

皇明經世文編

皇明經世文編卷之七十八

陳子龍臥子 徐孚遠闇公

華亭

編輯

宋徵璧尚木 李 雯舒章

宋存標子建叅閱

青谿漫藁

疏

倪岳

會議

災異陳言

災異陳言事

聖旨勅諭文武群臣凡百司弊政姦

貪蠹跡及一應軍民利病皆直切指陳無有所隱以

自激法

誰肯真心任惡為

朝廷出力者其要先在

前後條列俱妥釐剔舊弊軫念民艱而執法之官先

皇明經世編

卷之二

助朕勵精之治嚴選忠直有為臣等聞命戰兢仰窺此制商發則百官除而百利具矣聖明深達天

人之理克究災異之端不自滿假詢于蓍莢夫欲思

有以回天意必當有以順民心欲思有以順民心

必當有以寬民力是以營繕頻興民力所由以困征

斂橫出民力所由以竭賞罰冗濫則無功者錄民何

視以勸用舍顛倒則不肖者進民何藉以安蓋民心

嗟怨之日深則天意遣告之必至以此歷推致災

之由庶其可盡弭災之實臣等各據膚謫之見少効

涓埃之益凡二十八事畫以上聞

一推行 聖學近者伏聞 聖旨勤御經筵日講不
輟講明聖賢之格言圖惟治平之要道緝熙之功啓
沃之益于是爲大三代之治端在今日宗社之幸生
民之幸也臣等竊惟 朝廷日講之制必以宋儒真
德秀所著大學衍義次第進講書云知之非艱行之
惟艱徒讀其書而不求其意亦無益也考之衍義所
載首言格物致知之要必以帝王知人之事爲先其
于辨人材之論尤憊憊焉蓋任賢圖治乃人君之職
故所任之得失賢否則天下之治亂安危係之非細

故也。伏望 聖明因今日所講之書，驗之古人已行之事，獨運于 聖心之微，以謹夫用人之道。于凡內外文、武之臣，左右前後之職，其間果有忠實不欺、淳謹可託、特立而不爲黨與之私、勤敏而足爲治理之助者，俯推委任之誠，而不輕爲擢奪；曲施保全之恩，而不易爲間沮。其有立心私邪，制行奸詭，執左道以變亂，倡異端以熒惑，以土木營繕爲奉承，以禱祠禱禳爲忠愛，費財而不顧，勞民而不恤，以至依阿循默，以苟容而不知，窈位之耻，奔競冒昧以希進，而不知

缺

英三恒用此術

枉已之辱若是者皆足以僨事而害政。違天而虐民所宜迸逐而不留。拒絕而遠去。庶朝廷爲之永清。天意爲之昭裕。災害可弭。政務可修。而太平之治必在此矣。

一豫節親藩。竊惟自古藩國之設。主于屏翰。天朝強本固宗之道也。太祖高皇帝福德高厚。本支衆多。當時慈愛均。是以恩禮交隆。列聖繼統。天潢繁衍。封建之盛。殆遍天下。但比年以來。衡州建昌等處。叠遭雷震。變異非常。此必藩國營繕太盛。天誠昭

然不警，以至于今，災生壺掖，事理相關，誠非偶然。夫天下之人民，皆朝廷之赤子也。親王之國，車船人夫之費，分所當得，未敢盡言。奈何承奉等官，不知仰體朝廷親親之意，一離通州，便作威福，尅害夫役，凌虐有司，經過地方，勢同刦奪，甚者方面官員，痛遭笞辱，不豫有以節制之，則往過來續，積弊益甚，民將不堪，將來必大有仰厯。聖慮者矣。天下之田土，皆朝廷之租稅也。親王治國，宮室祿米之設，已有定制，經費有餘。奈何承奉等官，不知仰體朝廷親親

之意。一至本國，遂起貪心，占民房屋，奪民田土，輒奏朝廷，誤蒙准賜，甚者侵越市鎮，強取稅錢，不豫有以節制之，則田土有限，藩府日增，國稅日削，將來必大有仰厯。聖慮者矣。進言之道，自古難之，伏願皇上明勅承奉等官，務要輔王以正，仍逐一開示條件，嚴加禁防。之國之際，不許生事擾人。在國之時，不許輒行奏討。如有違越者，悉如近該欽奉。聖旨事。意。許巡撫巡按官員指陳實跡，叅提首事之人，明正其罪，更置官屬，庶幾宗固本強，民安物妥，而天意

可回矣、

一懲究欺蔽、臣等竊惟人臣事君、以不欺爲本、况履霜堅冰、其來有漸、爲臣之職、誠不可忽其漸、而涉于欺也、且明者見于亂之未形、知者察于幾之未動、豈可于所已形已動之事、而圖爲掩匿營護、以苟目前之安乎、比年以來、相習成風、如雲南之木邦、貴州之清勻、江西之南贛、以至東西二廣之域、西北三邊之地、南北兩畿之間、侵犯者不爲尅復之計、盜竊者不聞捕勦之策、甚者殺良民以爲賊、假敗績以爲功、捷

奏率爲虛聲。掩護遂爲良算。任其事者。展轉中其退託。以俟。遷官爲其民者。流離虐害。無所于愬。夫隄防以障水。小有罅隙。亟宜築塞。及其橫潰。爲力難矣。唐宋之季。率因奸欺之臣。迷誤國事。馴至禍亂。不可不慮也。今大江南北。歲豐而盜作。糴賤而民貧。武備空虛。災異稠疊。有識于此。不無寒心。伏望 皇上彰離照之明。奮乾剛之斷。特勅該部查勘前項各處。如是地方未靖。而言已遂平定。夷酋未服。而言聽撫安。盜賊隱而不聞。匿而不捕。聲息蔽而不舉。言而不實。虛呈功

捷、冒請陞賞者，一一從公究理，以懲欺蔽。庶免將來人知所警，早爲徙薪之謀，不貽噬臍之悔矣。

一、甦息貧窮，竊惟事有因革，理貴變通。庶奸蠹可以祛除，而貧窮有所甦息也。照得南京官軍騎操馬匹，常年倒死數多，俱照在京事例，出辦椿錢，并朋合錢，預備買補。倒死馬匹，隊伍固所宜然，不曾倒死馬匹，何爲一槩出辦？後該兵部議處，量將收到草場地畝銀兩，每匹補助三兩，但買補之際，多被勢要之人，故將老病馬匹，加意餒養，乘机貨賣，以致舊者買補不

前新者倒死相繼負累管操官員住支俸給養贍猶且不周戰守何由可望及照南京各衛快船先年不曾定爲則例均勻派撥有一衛五七隻十數隻者多至三四十隻者甚者全無一隻以致船隻多寡不一所以衛分勞逸不均及其敝壞打造之際初年料物俱係工部出辦近年奏定官出六分自備四分官出者不以時給打造不前自備者負累軍餘出辦貧苦百端交收在官又被衛所官員侵欺花費及用造船毫厘無措以致船隻無由完備軍餘辦價不已似此

事理之弊蠹不爲變通則官軍之貧窮何由甦息伏
望 皇上念 祖宗根本之地憫官軍貧窮之苦特
勅該部不爲常例通行南京兵部各委公正廉能官
一員查勘各營倒死馬匹自弘治十一年以前應該
買補共若干匹各營收貯出辦椿錢朋合錢共若干
兩每匹該銀十兩止該買補若干匹其無價買補者
尚有若干匹就將兵部每年原收馬草場等項地畝
銀兩照數支給通將二項銀兩轉解兵部發付太僕
寺收貯于南京太僕寺俵過該送太僕寺備用馬匹

照數關領官軍騎操仍行管操官員不時點閱務要
用心餵養不致瘦損以後遇有倒死椿錢朋合錢積
至五兩兵部草場銀補助五兩悉照前例解納兌領
馬匹騎操庶得軍免買補之苦民免解送之勞實爲
兩便其管操官員該住俸糧之日乞照屯田事例止
住一半但少存其養廉之具庶可責其敵愾之心及
查勘各衛打造修理未完快船共若干隻見領料辦
價打造者若干隻已領杉篙等料花費無存者若干
隻已辦價花費無存者若干隻人船俱無下落者若

千隻每船通計該用銀若干兩各以料價二項分數多寡計算見有而不足者應該補足。花費而無存者應該全給。通將侵欺官員查出拿送法司照例從重問罪。監追前項其不足之數亦將兵部每年原收馬草場等項地畝銀兩照數那借支給應用。并行南京工部即將該給物料作速支給。除人船俱無下落者開豁不必打造外其餘船隻督併打造完備。通將各衛原造文冊查勘各衛軍餘數目船隻多寡除十隻以下及人船相應者不動外其二十隻以下者減去

二分、二十隻以上者減去三分、均派無船及人多船少、衛分撐駕、仍行管船官員、不時點閘、務要用心愛護、依時修驗、以後仍照例十五年以外、不堪撐駕者、官給全料、十年以裡損壞者、責與本船夫甲備料修理、如此庶貧窮可以甦息、差役亦得均停、人心和悅、而天意可回矣、

一修復常平、竊惟農無常稔之年、國有備荒之政、求之古人之所已行、蓋惟常平獨爲盡善、是以成化初年、南京守備官員、因見歲凶、民飢莫能拯救、乃做古

常平之意。奏將沒官房屋。改爲倉廩。名曰常平銓官。置吏以司出納。每歲將蘇松等處。運到糧米。免其上倉。將各衛官軍三箇月俸糧。臨船兌支。省出加耗脚價。每歲將有十萬餘石。運赴常平倉交納。遇歲凶米貴。減價糶賣銀錢。收貯官庫。歲豐米賤。增價糶買。糧米收貯本倉。良法美意。與古寔同。後因本倉積米數多。南京戶部奏將作正支放。常平之法遂廢。倉廩雖存。傾圮過半。當時費用財力。卽今棄之可惜。况京師之大。略無備荒之儲。豈宜然也。且往年米價騰貴。至

八九錢一石、民皆缺食、盜竊紛起、若使官廩有米、能糶數十萬于市、則米不湧貴、民飢可療矣、如今年米價極賤、至二三錢一石、民賣輕賚、虧損至極、若使官庫有銀、能糶數十萬于倉、則米不復籍、農力可蘇矣、奈何坐視米價貴賤之机、莫救農末交病之苦、豈宜然也、如蒙乞勅該部查照先年奏設常平事例、再爲斟酌、倉廩損壞、量行修理、仍自弘治十二年爲始、浙江等布政司、蘇松等府、該運南京糧米、照例三個月臨船兌支、將所省耗米脚價、或一年者、或二年者、運

赴本倉上納，以爲常平之本。行令該管官員隨時米價貴賤，依擬糶糴。若本倉糧米積至四五十萬石，恐至陳滯不堪，方准作正放支。就將本年臨船兌支，所省糧米，照依前數運納，以爲常平之本。務使新舊相更，貴賤相濟。倉有餘糧，歲荒無缺食之憂。市有平價，年豐無傷農之慮。寔爲便益。

一類解文冊，竊惟政以靜爲善，令以簡爲良。則下人易于遵行，臨事免于費擾也。照得南京各衛所軍伍，俱自永樂年間分調，所存者十無三四。人少多差，乃

倍于舊、且如一年之間、該造文冊、無慮二十餘起、攢寫之勞、哀歛之費、所不可言、近雖稍減、而勞人費事、尚有存者、如每歲春季、各衛將舊年已支錢糧數目、攢造文冊、名爲歲用、及至冬季、又將次年該支錢糧數目、攢造文冊、名爲歲支、俱要差官赴京、送繳戶部、南京共該五十餘衛、每衛一年、差官二次、約計一百餘員、造冊之際、費掇可知、至于往回路給、皆從槩衛貼辦、侵漁科歛、日益歲增、衛所憊困、何由甦息、况所支用錢糧、俱係南京管理、造冊查對、理所宜然、繳送

戶部無大關係，如蒙乞勅該部將前項文冊行令各衛，依時攢造，每年二次，通送南京戶部查對明白。待有本部公差官員，通齋類繳戶部，庶軍官免跋涉之勞。衛所省科歛之弊，亦省事便人之一端也。

一併省重複，竊惟恤民莫大于惜財，惜財莫先于省事。蓋事多則費廣，財費則民窮，乃理之必然者也。照得南京內府各庫，先因管庫官員作繁偷盜官物，年久一旦以火遮飾，不惟罪得苟免，又且勞費蓋造，今復奏行工部，每年春秋二季，用工修理，任從該庫破

調損壞滲漏去處，動用物料人匠，其費不貲，仰惟

朝廷于凡宮殿、宗廟社稷等處事體，最爲重大，俱

無一年二季修理之例，何獨南京各庫重複勞費，無

有窮已，再照成化年間欽差內官二員前來南京督

理織造，開局置机，勞民動衆，拘役之艱難，供億之騷

擾，日益日增，民不堪命。弘治初年，已蒙聖明特詔

停止，內官取回，中外臣民不勝慶幸。近年又復差遣

內官二員前來，仍前織造，緣所織造紵絲紗羅，果係

上供，九重內奉三宮之用，雖官司竭營辦之勤，百

姓極科衷之重，分所宜然，不敢辭免。但所織造不過用克內外官員不時賞賜而已。其各布政司南直隸各府歲織造內酌量改造進用，亦無不可。臣等已于弘治十年四月內因遇災異陳言會議，奏請乞暫取回，未蒙俞允。忽于今年十月，又復蒙差南京內官監太監鄭山，亦于前項織造去處管理織造。緣係挨輪年分接續幹辦，所理既無別事，委任何必人多。况逐日供給之費，各項役使之人，陡增一倍。民實不堪。似此事關一體，差至三人，重複勞費，無有窮已。如蒙

伏望 聖明俯賜恤民隱，大惜財用，事干重複，少賜併省，特勅該部通行南京工部，將內府各庫一年二季修理事例，暫且停止，果有滲漏損壞之日，聽令照依具奏，計勘明白，方許興工。其新添織造內官，乞賜革罷，所織段疋等項，併于先差內官管理，如此庶事稍省，而民心可安，民少安，則 天意可回矣。

一、減省供應，照得南京光祿寺，遞年醃臘活鹿一百五十一隻，天鵝四百六十三隻，俱係直隸安慶等府、廣西、湖廣等布政司地方採捕解納，有起自三四千

皇明經世編

青絲漫葉
卷之二

減省雜薦
士

平露堂

里路來者有起自一二千里路來者俱候小雪節解到係是山澤之性沿途餒養艱難多致瘦損到此之日依期宰醃用鹽太少天熱生虫用鹽太多苦鹹無味又要打造木櫃裝盛起撥馬快船隻運送及至到京不堪供應及本寺做造菜臺俱于每年二月分起手採取晒晾做造每三日一換厨役餘丁一百名動經四五十日方纔完備起撥馬快船隻差撥經手官厨解送在途遷延日久停放過時多有變味不堪供應窈照活鹿天鵝菜臺北方所產處處有之非比別

項時鮮北方所無者。依時上進。豈敢缺悞。况做造不法。進用過時。以致味變。不堪供應。而小民之採納艱難。道路之應付騷擾。有費無益。莫此爲甚。如蒙乞勅該部議擬。合無每鹿一隻。徵價二兩。天鵝一隻。徵價五錢。行令各司府。照數煎銷成錠。差人解部轉發光祿寺收貯。凡遇缺用。天鵝活鹿。照依時價收買供應。其做造菜藿。暫且停止。實爲便益。

一署掌印信。竊惟體統正。則下有法守。委任定。則事易遵行。照得南京六部都察院。通政司。大理寺堂上。

官近年雖設正佐二員，偶遇事故，或有正佐官兩缺之時，堂上印信不免暫委子部郎中等官署掌，緣委官與各屬官分係同寮，不相統攝，凡諸行事誰肯聽從，體統不正，事難辦理。又况官賢否不一，錢糧刑名等件出入議擬之間，乘此罅隙而輕重其心，高下其手者，未敢保其必無，廢務妨公，大率由此。欲照在京事例，奏請差官署掌，又往來動經數月，愈至悞事，合無今後遇有前後衙門缺官掌印之時，行移南京吏部如吏戶禮兵工各部通政司有缺，就于各衙門堂

上官內輪流署掌，三法司有缺，就于三法司堂上官內輪流署掌，如此則體統不紊，上下相安，公道安而衆務舉矣。

一稽核名實，竊惟天下之人才，其養也，皆以學校，其進也，皆以科貢，入官之後，考績幽明之說雖同，循名稽實之法獨異。今州縣之官，發身進士者，或三年四年，有旌擢內遷之典，而非出進士者，則寥寥無聞，夫十室之邑，必有忠信，天之降才，未必爾殊，其間豈無立志操心，奉公守法，思欲與科第齊者，惟是激勸之

典既無及已。而考績之法。又復頻仍。不免于計日謀身。雖妨政害民。亦不暇恤。其出進士者。固多顧惜名器。然其間。亦豈無肆志妄爲者。惟是已之地位。既殊人之相待。又異。雖有涼官曠職。妨政病民者。人亦防其後達。曲賜優容。夫作人之道。全在鼓舞變化。而考績之說。同一黜陟幽明。今鼓舞之法。既獨行于進士一科。而考績之法。又獨嚴于發身舉人。歲貢者。遂使有志者。變爲無志。欲効者。不獲自効。徇名失實。莫此爲甚。如蒙乞勅該部。今後州縣親民之官。不必專論

其出身惟當稽核其名實。其奉公守法者。雖非科且亦加旌擢。肆志妄爲者。雖出科目。亦不苟容。公共一視之仁。使人皆知自奮。時其考察之令。使人皆得自効。凡巡撫巡按監臨等官。具揭帖報賢否者。不得以奉承之能否。而輕爲高下。操予奪黜陟之柄者。不得徇一言之先入。而遂廢諮詢。俾賢者得久任。以自効。不賢者不徼倖。以苟容。將見公道大昭。名實不紊。而人皆蒙其惠矣。

重內輕外 廷論 共事 叔大勢 平然 人才 賢否 斷不可
一均平銓選。竊惟自古建官。惟能立賢無方。初無內

皇明經世編

青谿漫藁

均平錄選

卷之二

平露堂

外遠以此格也近親以此格也疎之別。果賢能邪。雖外而疎遠。在所必取。

果不肖邪。雖內而親近。在所必棄。我太祖高皇帝

定鼎金陵。稽古建官。著為定制。自後肇建北京。改為

南京。然而諸司之建置不移。各官之職任如故。誠立

萬年不拔之良法也。奈何近年以來。兩京官職出身

既同。除授不異。及其遷轉之際。乃相懸絕。且如在京

利道部屬官員。在外則陞僉事。叅議。知府。副使。叅政。

在內則陞太僕。大理。寺少卿。及通政司叅議。今南京

科道部屬官員。止陞僉事。知府。亦且淹至七八年之

外官。此得行取。而南官終不得超擢。此大不均。

久而後得。間有一二陞爲光祿少卿、通政、叅議、按察司副使者。其他職事稍尊。絕無可望。以致各官退有後言。以爲兩京官員均爲京職。均効勞勩。若使其不肖者黜降。不異則賢能者遷陞。宜同。今乃秦越異視。爾我隔藩。况南京祖宗根本重地。又非其他疎遠之比。借曰兩京官員多寡之異。大率不出三分之一。彼處其二。此獨不得與其一乎。如蒙乞勅該部。今後南京官員少均遷叙。其間果係賢能之人。不惜處以稍尊之職。庶人心無不平之嘆。而銓選得均平之理。

矣。

一照例附選窳惟銓選固貴均平淹滯尤當疏導則人無南北觖望之心事得彼此歸一之善也照得兩京國子監監生俱蒙 朝廷作養其分撥各衙門歷事歲月皆同而附選之先後獨異查得在京各衙門歷事監生三月考勤之後卽得奏行吏部附名選部付選之後仍令歷事一年聽候挨次取用今南京各衙門歷事監生三月考勤之後直至歷滿方得附選中間或遇下憂事故等項回還原籍服滿方來補歷

淹滯歲月、侵尋衰老、其爲抑鬱、不言可知、夫以三月
同一考勤、而附選之期、南之視北、乃差至一年之久、
雖稱南北人數多寡不同、亦不宜懸絕、至是合無今
後南監監生、歷事三月、考勤之後、一照在京事例、聽
從南京吏部、先將名籍奏行吏部附選、仍舊照例、歷
滿一年、聽候揆次、取用庶事、體得以歸一、而人才可
免淹滯矣。

一、湔滌過名、竊惟天地生成之德、不以遠近而殊、則
朝廷造就之恩、亦不以遠近而異、况南北皆謂之

京師大小均謂之京職而

○此○人○也○然○祖宗根本之地尤所當

厚者乎伏睹每歲十二月內節該欽奉勅諭禮部三

法司茲者春陽肇序萬物咸亨在京文武群臣除賍

罪外有犯公私過名紀錄在官者悉與湔除俾圖自

新欽此夫人非聖賢孰能無過一蒙恩詔咸得自新

去瑕滌穢不致廢棄孰不感激奮發爭圖報效惟獨

南京各衙門大小官員授職皆同釐務無異或有織

芥之過不蒙湔除之恩其間一考稱職官員無由請

封六年署職官員無由授實九年通考遂碍叙遷仕

途有此躑悞中心未免拂鬱近該禮部題十月二十
五日欽奉勅諭文武群臣欽此照南京係 祖京根
本重地其文武衙門與在京事理相同合無謄黃轉
行兵部差官馳驛賫捧前去各該衙門一體欽遵知
會等因奉 聖旨是乞令照依前例謄黃欽遣賫捧
前來南京各衙門有過官員一體湔除俾圖自新庶
得恩典均沾人心感發實爲便益

一疏通鬱滯照得近歲以來文職官員多有緣事降
調或以陳言或因小過或爲豪右之排斥或被誣奏

而陷害吹毛以求其疵洗垢而索其瘢于其迹雖若可罪原其心亦無非欲摭誠悃少圖萬一之報爾然一蒙謫降久未收復則其鬱滯豈直匹夫匹婦之比也伏望 聖恩憫人才之有用念過失之可原乞勅吏部通將弘治六年以後欽蒙降調官員查照原擬應該復職者仍令復職以沛曠蕩之恩以全公平之體如此則凡在臣工豈不倍增感激之私圖盡報稱之力鬱氣消而和氣臻矣

一寬免違限查得見行事例舉人告入監并監生願

就教職考不中復監者俱除水程四十五日外仍除
一個月若患病有堪信文憑仍除三個月過期者送
問除遵行外夫謂之舉人入監者指新中未入監者
而言若舊中已經坐監者不在其數謂之監生復監
者除舊貢已入監者而言若新貢未曾入監者不在
其數今告入監舉人不分舊中已曾坐監及願就教
職考不中復監監生不分新貢未曾入監但有過期
一槩送問似與前例不合及查得除授官員赴任過
違憑限半年之上方送問罪其舉人監生止許四月

未免過嚴。况各生違限到監，坐班月日虛曠，本監自與查算，不得出身。比與官員赴任不同，而各生多係貧難遠方之人，所帶盤纏有限，一經送問，贖罪價銀無從借辦，尤為窘迫。如蒙乞勅禮部議處，合無今後新舊舉人，并歲貢監生，不分入監復監者，過違限期，但有患病等項，堪信文憑，俱免送問，仍行該監嚴查虛曠月日，務要應該撥歷之日，方准撥歷出身。如無患病等項，堪信文憑者，止照官員赴任過限半年之上事例，方與送問。如此則法令適中，賢才得所。

一慎用將官。竊惟將者兵之司命，國之安危係焉。近聞大同總兵官神英、副總兵官趙鼎，各以私憤互相攻訐，煩瀆聖聰，差官體勘，未蒙定奪。及宣府總兵官阮興，又蒙取回別用。且大同宣府乃朝廷之北門，而將官實司北門之鎖鑰者也。方今邊圉未輯，災異屢形，而將官之重，未盡得人如此。萬一醜虜聞風，乘機侵犯，爲害非細。有識寒心，固宜早爲區處，不可視爲泛常。且聞各邊將官有缺，多在京營選補。但此等官員初到地方，夷情未達，邊務未諳。一遇有警，手

足無措。又安敢望其克敵制勝者乎。乞勅該部通將各年各官公舉將材。照例會同五府各部都察院大理寺堂上官。并掌科道官。從公逐一評議。原舉堪任主副將官。其間或精通武藝。或練達戎務。或弓馬熟閑。或韜略諳曉。或智謀過人。或勇敢出衆。宜用于北者。北邊宣府大同遼東陝西等處地方有缺。挨次奏補。宜用于南者。南方雲貴兩廣四川湖廣等處地方有缺。以近就近。挨次奏補。其有不協公議。及夤緣請託者。俱令革退。其有未經公舉。其已舉未經評議者。

無得舉用。至于京營將官，未經行陳，止可存留拱衛京師。如此則南北將官，可冀于得人，而各邊地方可保于無虞矣。

一減省差遣。照得針工巾帽二局，每年奏差內臣四員，前來南京取用麂皮等項物料，經年動歲方纔回京。每員取撥六百料馬船二隻，暫座共用船八隻。每船一月索取貼幫銀五兩。一年之間，約取銀四百八十餘兩。及至起程，每船又要脫幫銀五兩。夫甲貧難辦，納不前。百般辱打，隨船什物，因而強搬。怨嗟之聲。

聞者不忍，誠使減此官，則減此船，減此船，則無此害。况南京針工局，邇年常有起運物料，如蒙乞勅該衙

門，今後取用前項麂皮等項物件，免差在京內臣，就

此其省便

行守備太監，督令南京針工并巾帽局，依數造辦，選

差的當官一員，起運管送，仍照例會官裝杠，務要十分滿載，不許多占船隻，及將夫甲非理凌虐，索取財物，如有故違，許科道并兵部委官指實具奏，究治庶民害可除，事亦不廢。

一禁約索取，照得馬快船專備裝載官物之用，近年

以來差使浩繁，駕船夫甲，橫被管運內外人等索詐，艱苦不可名狀。姑以爲害最甚者言之。如南京內官監，年例該運黑沙洲等處蘆柴，計把不啻千萬。占差六百料馬船共一十六隻，隨船水夫約五六百人。每年蘆柴就派水夫各自砍斫，裝載管押官，每船一隻要銀二三十兩。水夫貧難，多將月糧買湊，方免捶楚。及交柴之際，管場官又行索取，每柴一束要錢一文。柴滿千萬，則錢亦千萬。錢不敷者，百般刁難。及照南京內官監等四衙門裝運蕪湖抽分廠板枋，用馬船

三十餘隻、南京中軍都督府裝運爛泥洲等處蘆柴、用馬船十隻、管押人員、往往效尤、逼迫人夫、因而逃竄、數多、船隻廢壞、職此之田、如蒙乞勅、兵部查例、嚴加禁約、今後管押等官、敢有仍前索詐、許令巡江御史、密切訪察、叅奏拿問、以示警戒、被害之人、亦許指實陳告、其蘆柴數目、照數砍裝、交納、就行管理、抽分、御史臨場驗收、如此則夫船不累、裝運無悞、一慎重刑獄、竊惟刑以輔治、自古帝王之治天下、未有不本諸此、而爲治者、臣等常見兩京法司推問輕

重罪囚悉發大理寺審錄情罪相當者評允施行情
不當罪者駁回再問如此可謂慎用刑矣而尚有稱
冤不服罪囚其在外諸司問理刑獄秉公持正而刑
罰得中者固有其人中間有等矯情干譽之徒不能
體 皇上重愛民命之意以苛暴爲能事以刻剝爲
盡職讞獄之際視人命如草芥煨煉成獄問擬斬絞
罪名監候呈詳或有詞未明或稱冤不服恐其反異
不便及未成獄囚犯一槩輒令獄卒多方致死殊不
知古人用刑罪疑惟輕之意冤枉所係誠可哀憐上

干和氣致生災變，未有不由于此。及法司奏行差官前去各處審錄重囚，往往圖得便道過家，不及致詳刑獄，雖有審錄之名，實爲虛應故事。如蒙伏望聖明擴天地好生之德，體日月照察之明，特勅法司，凡遇差官審錄，弗徇私情，務要南方刑獄擬差北方官員，北方刑獄擬差南方官員，其于審錄之際，仍要留心詳審，勿拘成案，情真罪當者，監候奏請處決，其間情有可矜，罪有可疑，及情法不相當者，具緊閉略節，招由奏請區處，其原問官員，果有故出入人罪者，依

律坐以故出故入之罪如是失出入人罪者坐以失出失入之罪如此庶使在外問刑官員少知慎刑之意不行慘刻之科而刑獄亦得以清冤抑亦得以雪人心和悅而災異消弭矣。

一查明禁例竊惟法制禁令卽今之律例是也然非政有定體何以刑得其平當此萬國同文之時豈有兩京異政之理南京祖宗根本重地山陵宮闕具存而曲禁周防乃政務所當惡者如南京內官監干皇城四門守衛官軍內每門日撥軍一百名看守打

掃及南京司苑局日撥金吾後衛府軍後衛上直分
例有內官兼管比因洪武永樂年間許令就于抽分
內取鈔三十貫以爲茶果食用今乃借此爲名百法
巧取如杉楠板每塊籌二根取銀二錢四分杉條五
根籌一根取銀一錢二分柴炭百斤籌一根取銀三
分四分計籌取錢漫無紀極通計春夏有水船多時
月每人約得銀六七百兩秋冬水落之時亦不下一
二百兩因此抽分重大遂至客商阻絕及至各工所
闕領竹木等料又被索取起籌出廠等錢展轉刁難

不肯從公放支。月益歲增。爲害無已。如蒙乞勅工部轉行各處抽分官員。務要奉公守法。律已使人。不必以尅下奉上爲能。但當以稱物平施爲務。其曾經抽分去處。給與執照。不許重復抽分。仍乞勅南京守備太監。今後差撥抽分內官。止照舊數。無得過多。仍要嚴加禁約。不許似前計筭。取索財物。及縱容家人伴當。在彼生事。其各工所開支物料。明文至日。卽便放支。不許刁難。若踵前弊。無所悛改。悉聽管理抽分監察御史等官。徑自叅奏。究問施行。如此則侵尅之弊。



可以少除而愁怨之聲可以少弭矣。

一防革宿弊。照得禮部所收惟藥材及曆目紙劄二件。藥材係湖廣江西福建等布政司所屬。并南京無異。理須歸一。人易遵守。如蒙乞勅法司通查在京近年奏准見行事例。比與南京山陵門禁相同者。備行南京法司一體遵行。仍乞勅南京內外守備叅贊官并南京兵部轉行南京各該監局軍衛務。要前項原奉洪武永樂宣德等年間欽依及奏行事例的確全文。俱從兵部法司將與在京見行禁例通并叅詳。若

係出于一時權宜，自當遵依近例爲當，明白奏請，著爲成法，頒行南京。如有違犯，據憑論斷，其有仍將遠年不明事例，朦朧搪塞者，宜從法司，徑自叅究施行。如此則兩京無異政，衆心有定守，而陵闕益尊嚴矣。

一申明舊例，照得先該南京總督糧儲右都御史周瑄奏稱：南京無籍軍民人等，稱爲跟子，名色迎接納糧人等，跟送歌家，哄誘銀兩，買囑官攢人等，通同作弊，犯該滿貫徒罪以上，就于該倉場前枷號三個月。

滿日照包攬坑陷納戶事例發邊遠充軍等因具奏
該戶部會議得前件跟子歇家滿貫徒流以上枷號
一個月常例發落節該奉 憲宗皇帝聖旨禁革誑
騙這件還准他每說欽此欽奉詔書已將前項新行
條例革罷近該南京總督糧儲右副都御史王軾具
奏申明戶部擬議前項跟子歇家滿貫徒罪已上仍
照前例枷號三個月連當房家小發邊遠充軍職官
有犯奏請定奪奉 聖旨是欽此臣等看得事體貴
合人情法令在得中道各司府州縣納戶初到南京

不能熟知道路，未免尋人指引。別無官房住歇，未免尋討歇家。此人情所不能無者。查得見行事例，攬納之人，坑陷納戶，及打攬倉場，虛出通關者，止問充軍，不曾枷號。今跟子歇家，止是晒晾，駝載糴買等項，多取工錢價直，比之攬納作弊，輕重不同。既枷號三月，又發遣充軍，法令似乎過中，以致近年納戶，往往倉前露臥，人家不容安歇。一入歇家，輒被恐嚇，受害多端。近該法司問擬，又皆拘執前例，或連引情，輕人犯，俱問枷號充軍。遠近稱冤，有傷和氣，合無今後南京

法司如遇跟子歇家有犯指稱官吏名色誑騙財物滿貫與坑陷納戶限外不完及通同官攢虛出通關者俱照原擬事例問罪充軍免其枷號若止因晒晾馳載糴買等項多取工錢價直財物至滿貫者枷號一個月與不滿貫者俱依律問罪照依常例發落如此則刑罰平而和氣應矣

一減造軍器竊惟軍器所以禦戎固不可不預爲成造而財力費于無用尤不可不量爲區處查得南京兵仗局前廠遞年成造盔甲鎗刀弓箭撒袋圓牌等

項軍器共七萬九千六十餘件，收貯南京戊字庫。聽候應用，誠國家思患預防，修武備禦賊寇萬世之長策也。但承平日久，軍器少用，未免法出弊生。今計該局歲用生熟鐵一十一萬七千九百餘斤，木炭木柴四十餘萬，生水牛黃牛白硝麈雜等皮三千三百餘張，翎毛筋角箭竹雜木約二十七萬，其餘銅錫銀硃靛青油漆魚線水膠綿苧布絲絹紙劄等料，動以千百計。軍民人匠班匠共六百五十五名，外僱工銀二千八百五十餘兩。然所造前項軍器大抵多被尅

減工料成造不堪。雖有該部及科道委官按季盤驗亦不過大略看過。不能一周悉。况南方地勢卑濕收貯三五年後。箭翎弓張多已脫落朽壞。鎗刀衣甲亦各綉爛。誠恐一時行軍。卒要應用。有名無實誤事。非細。查得本庫自洪武永樂年到今陸續收貯。見在軍器共有四百五十餘萬件。頗勾應用。及查得先該工部議擬天下軍衛有司歲造軍器數多。積久恐不堪用。題奉欽依。俱自弘治二年爲始減半成造。誠爲得宜。乞勅該部計議。合無將本局歲造軍器暫且停

止，仍將戊字庫原收軍器，委官盤驗見數，其間堪中者，如法安置晒晾，不堪者，揆定年分逐漸修理，有當添補物料，止于各庫會有量支應用，待修理完日，仍照減半事例成造，如此則財力不至妄費，軍器皆爲有用矣。

一量停造作，竊惟上之供用有缺，固不得不徵取于下。下之財力有限，亦不得不趨愬于上。查得本部先于弘治十年十一月內，該南京內官監揭帖一件，爲欽依起運，恐缺供用物件事。該太監李廣奏取

生漆桐油肥皂各二十萬斤，銀硃各三萬斤，分派應天等府辦納，續行本部成造裝盛箱桶瓦罈兩單，共一萬九千八百個隻，鉄鎖九千二百把，單榜紙三萬一千六百張，黃蠟白麩桐油等項共一千六百餘斤，又于本月內准本監揭帖一件，欽依成造，恐缺供用物件，事亦該太監李廣奏取硃紅漆，戠金雲龍黃銅火罩等件，共四萬五千六百五十副個，除該監通行南京丁字庫等衙門，將會有銀硃黃熟銅生漆木炭金箔等料，共六十萬五十二斤塊，徑行外，將會有生

漆銀二硃等料共二十一萬九千五百餘斤根塊亦
行應天府舖行估計支給天財庫錢鈔買辦及行本
部成造裝盛箱桶木匣鎖鑰黃毡黃絨綿布綿花套
桐油木缸雨罩等項共六千八百九十餘件黃單榜
黃白中夾紙四萬八百五十張至弘治十一年八月
准南京兵仗局揭帖一件上用供用物件併軍器
等項事該署兵仗局事內官監太監楊穆等奏奉欽
依成造 上用象牙鵝鴿頭弮彈弓等件八百件供
用竹竿綿紮魚叉等件共一萬五千八百四十件該

局料計見有生銅等料一萬五千七百六斤南京甲
字庫閔支濶白綿布等料共二十九萬八千七百七
十七疋斤龍江瓦屑二壩抽分竹木局閔支煤炭木
炭等料共六百五十八萬四千七百四十斤塊應天
府支給天財庫錢鈔買辦青紵絲絨線象牙銅鉄油
漆等料共七十萬一千四百四十二疋塊本月內又
准工部咨爲成造神器事該署兵仗局事內官監太
監楊穆等題奉欽依成造各銅將等件共二萬二千
六百九十個把坐派蘇松等府買辦水黃牛等皮九

千五百三十張、應天府支給官錢買辦、魚線膠紅熟桐油灰黃丹黃麻等料、共一十四萬五千四百餘斤等因、節行到部除欽遵坐派成造外、臣等切詳各監局成造上用供用器皿物件、誠爲浩繁、然天下司府州縣歲辦皮張油漆銅鉄銀二硃等料亦不爲少、必須量入爲出、以次成造、方可使國用不缺、民力不困、今一年數月之間、各起坐派前項件料動輒數十百萬、非惟府庫錢糧支給不敷、且使小民出辦、何以能堪、况應天府係南京根本重地、而蘇松等府尤百

萬京儲仰給之處。又兼連年災傷薄收。公私俱困。豈得恣然不加撫恤。其舖行買辦。名雖開支。內庫錢鈔給還。但納料閔價。出入各門。禁及該庫。俱要財物打點使用。及至開出錢鈔。又多爛鈔。低錢不堪行使。以此往往破家蕩產。賣男鬻女。不能賠償。又如各府州縣大戶。納解生漆桐油銀二硃紙劄等料。俱有原裝盛箱桶等項。却又尅下另行本部重造。尤爲煩費。似此假公營私。傷財害民。誠有傷國體。上干和氣之甚者。如蒙乞勅該部。通將前項原坐。派供應物料器皿。

等件逐項查審將緊急缺用者再行奏請行下催趨成造先行解納其可緩者暫且停止今後在京各監局若有奏行成造器皿等項工部務要查勘先後酌量緩急另行奏請行下無得併于一年一月之間致使所司倉卒無措仍行南京成造監局衙門該用物料務要會同該部及科道官嚴督各作匠役人等從公估計如某器皿合用某物料若干及將造完要行裝盛亦要估計某物若干用某樣箱桶并鎖鑰扛索毡片各若干通估明白相應方許將會有者行各庫

局開支會無者行有司買辦不許各該衙門止憑作頭人等朦朧多估輒行開支買辦其解戶納料舖行開支錢鈔亦要科道部官從公隨即收放不許刁難指要財物及各司府州縣解納油漆銀硃等料若有原來箱桶等件不許重造致費工料如此庶上之供應可以不缺下之財力亦無妄費而民困或得少蘇矣

一遵復 舊制照得山東臨清州直隸淮安揚州蘇州府浙江杭州府江西九江府等處俱係客商船隻

輻輳之處。祖宗舊制，各設有鈔關，收受商稅，俱委各本府通判等官管理，行之百年，雖不能無繁然課鈔，亦未見其虧損。客商船隻，亦未見其留難。蓋通判等官職卑責重，上受巡撫，巡按分巡分守等官節制，少有不才，隨加罪黜，故非極妄無知之人，則不敢在閑生事，動擾客商。近年以來，改委戶部官員出理課鈔，其間賢否不齊，往往以增課爲能事，以嚴刻爲風力。籌算至骨，不遺錙銖，常法之外，又行巧立名色，肆意誅求。船隻往返過期者，指爲罪狀，輒加科罰。商客

資木稍多者，稱爲殷富。又行勸借，有本課該銀十兩，科罰勸借至二十兩者，少有不從，輕則痛行笞責，重則坐以他事，連船折毀，客商船隻，號哭水次，見者興憐。夫增課爲國，雖稱聚歛，猶是有名。其科罰勸借者，或倚稱修理公廨，或倚稱打造坐船，率皆借名入已。無可查盤，况此等官員，旣出部委，各處巡撫官視爲賓客，巡按官待以頽頽，是以肆無忌憚，莫敢誰何，以致近年客商，俱怕征求，多致賣船棄業。此豈 聖宗設開通商，足國裕民之初意哉！伏願 聖明俯察民

隱特勅該部停止新例、遵復舊制、仍勅鎮巡等官

各府府佐有條、良無戒任者、正宜以此事委之、則責

時常糾察、各府委官如法奉行、務要公私兩便、商民

成便而供億省也

不虧、庶免人心快悅、怨聲消弭、而天意可回矣、

一裁抑侵尅、竊惟抑末固為政之理、而通商亦富國

之術、苟使官司肆為侵尅、遂致道路漸成愁怨、傷和

致沴、豈王政之所宜哉、照得舊制、天下商賈輻集

之處、各設稅課司衙門、立法抽稅、具有成法、惟南京

龍江大勝港、原設抽分竹木局、抽分竹木柴炭等項

有三分取一、有十分取二、有三十分取二者、取之至

輕用之至節。遠近輻輳。上下便益。近年工部奏准。于

浙江杭州府湖廣荊州府直隸蕪湖縣設置抽分衙

如蘇興揚杭與蘇相去几何而稅

門。遣差部官管理。不惟地方接連重復抽稅。而其人

之又稅也

賢否不齊。寬嚴異法。但知增課以逞已能。不恤侵尅

以爲民病。甚者器皿貨物。不該抽分之物。一槩任意

勸借留難。所得財物。無可稽考。因而侵漁入已。難保

必無。及照龍江大勝港抽官軍一百名。在東西二園

栽種。又孝陵神宮監太監等官。燒用柴薪。俱是給

與軍人票帖。前去攔住門外拾取。又以免差使爲名。

歛收軍人銅錢，以此旗軍人等效力公所者數少。乘
机私役者過多。及至事發，法司問理，爲因近年在京
皇城各門并長陵等陵一切禁例多不行，移南京
衙門知會，以致各該監局查報之時，往往援引遠年
事例，如內官監則曰宣德年間奏奉額設，司苑局則
曰洪武及宣德年間差撥存留。孝陵神宮監所燒
柴薪則曰本監與南京浣衣局內官享堂官長隨內
使先年舊例俱在本山手扳脚踢拾取燒用，所歛軍
錢則曰買辦薑種及進用蒜頭山藥芋苗用盡此等

體例俱無的確年月亦無原奉 旨意全文有無虛

實無所考証竇緣影射爲弊日滋以致 山陵之嚴

宮闕之禁失之太疎而防微杜漸之計漫不知警于

諸報莫告乎

茲災異之臻若復無所省究豈宜然哉

一懲戒姦貪竊惟十羊九牧則必生紛擾之患群狼
牧羊又曷逃嚼噬之逼故姦貪之害不少爲祛除則
瘡痍之民殆未易甦息也照得浙江等處布政司直
隸府州縣運納南京糧米及一應客商軍民人等船
隻率皆經由龍江閘進入本閘設有內官守把及各

布政司府州解納一應錢糧俱送南京內府承運等庫收貯各庫亦設有內官監管但近年爲因守備官員奏討內官前來數多以致添撥各處管事者亦多各官不思朝廷錢糧爲重人民艱難可憫所在之處多帶家人伴當勢如狼虎船隻往來者不分竹木柴炭糧食雜貨甚至裝載灰糞之微亦要過關財物必充所欲方容船隻出入錢糧進納者雖經戶工二部各司掌印官員辨驗堪中印封送庫亦且百方刁難不肯收受各照數目需索銀兩至將解戶吊綁墩

鎖苦害不堪重而布絹錢鈔輕而絲茶蜜蠟無物不然必滿所欲方與會官收受及照東安西安二門守門內外官軍人等乘機爲害每遇錢糧進人輒便攔當或將解戶趕逐或將脚子毆打遲留一日二日有之爲害千方百計不已以致解戶負累揭借錢物累年不得完結及得批單回家債主又復逼取傾家蕩產苦害無辜此皆姦貪顯跡所宜量爲懲戒如蒙乞勅南京守備太監將守閔管庫內官中間果有淳謹守法不肯生事者止照舊額存留近年新添冗員及

生事害人者盡行革去，仍要嚴加禁約，不許似前害人。其守門官軍有犯，或被害之人告發，宜從監收科道官員徑自叅究施行，如此則關津無阻，輸納易完，人心和暢，而天意昭格矣。

書

與兵部論快船事宜書

南京快船

竊見南京快船差使第一艱難，積年負累，甲餘乏貧，每僉一人充當，展轉哀告不已，一至領船中人之產，不久卽破，蓋緣每差押運官員，需索幫錢數多，衛所

又無餘丁撥補、必須僱人撐駕、雖有附搭人貨、所得不償所費、回還之日、別無所得、能事者得隨有差內、臣販賣私鹽、少思賠補、及至到此、被其算帳扣除、依舊一空、生親見一新僉小甲、初頗殷實、一年兩差、房產隨盡、遂爲貧戶、似此夙弊、無力可除、誠可憫念、因循歲久、將成不可救藥之病、今因徐貢郎中所奏事、件竊爲諫處、條陳上請、萬乞俯察愚悃、深軫下情、一與復奏准行、不勝至幸、其船每隻、雖原設小甲餘丁、共二十名、其實有名無實、反成弊端、宜照糧船人數、

重爲增減。若得十五名的實親丁駕船。庶免欺弊。但須亦照糧船事例。加與月糧一石。方可繫留人心。所慮戶部以費糧見阻。因查江淮濟川二衛馬船夫。逃已萬人以上。皆係食糧人數。以彼擬此。不爲別費。然此亦須本部併作處分。始克有濟。若行戶部。必無可望。倘人力旣減。糧復不給。其爲負累。愈甚于前矣。至于量支租銀一節。猶恐執事遠慮。日後買馬支賠。或有不足之患。以此前次奏內。不以爲然。生亦于此反覆籌之矣。緣累年所積。應天府見寄庫租銀二萬一

千四百九十三兩三錢七分一厘八毫六絲各府州縣衛所每年大約該納租銀四千九百八十五兩七錢八分九厘三毫今查得弘治十一年分已支過買馬租銀二千九十六兩弘治十年十一年二年上厰改造快船共五十四隻惟弘治十二年告上厰快船三十八隻縱以此多者爲率每隻給銀三十兩共不過一千一百四十兩今以十一年買馬已支價銀并十二年上厰船數計之二項大約不過共支銀三千二百三十六兩比之每年租銀之數尚餘有一千七

百五十餘兩。借使以後年分。或有災傷免徵。只以此有徵之年。支用所餘之數。接續支用。亦無不足之患。况累年所積二萬餘兩之數。仍舊不動乎。此則所謂裒多益寡。損有餘以濟不足。船隻易完。而差遣之用。不乏軍餘稍寬。而衛所之困可救。在土無纖毫之損。在下有永久之益矣。

皇明經世文編卷之終

皇明經世編

青絲漫藁

卷之二

皇明經世文編

三九

平露堂

皇明經世文編卷之七十九

陳子龍臥子 徐孚遠闇公

華亭 編輯

宋徵璧尚木 顧開雍偉南

淮上陳台孫階六參閱

劉忠宣集

疏

劉大夏

議疏黃河築決口狀

治河

時河決楊家金龍等口東衝張秋命公治之

議得河南山東兩直隸地方西南高阜東北低下黃河大勢日漸東注究其下流俱妨運道雖該上源分

殺終是勢力浩大較之漕渠數十餘倍縱有隄防豈能容受若不早圖恐難善後其河南所決孫家口楊家口等處勢若建瓴皆無築塞之理欲于下流修治緣水勢已逼尤難爲力惟看得山東河南與直隸大名府交界地方黃陵岡南北古隄十存七八賈魯舊河尚未泄水必須修整前項隄防築塞東注河口盡將河流疏道南去使下徐沛由淮入海水經州縣禦患隄防俱令隨處整理庶幾漕河可保無虞民患足爲有備仍于朝神明南北各造滾水石壩一條俱長

三四十丈、中砌石礮一條、擬長十四五里、雖有小費、可圖經久。若黃陵岡等處隄防、委任得人、可以長遠。仍照舊疏導汶水接濟運河。萬一河流東決、壩可以泄河流之漲、堤可以禦河流之衝。倘或夏秋水漲之時、南邊石壩逼近上流河口、船隻不便往來、則于賈魯河或雙河口、徑達張秋北上、以免濟寧一帶關河、尤爲利便。臣等仰知 皇上洞見黃河遷徙之害、深爲國計民生之憂、凡智力所及、不敢不盡、但欲興舉此等工役、未免勞民傷財、今山東等處荒歉之餘、公

私匱乏人夫尚可起倩財用無從取辦况好逸惡勞者怨謗易興聽聲躡影者議論難據如蒙乞敕戶兵二部會同在廷羣臣從長議處斟酌前項工程于理應否興止倘以臣言可採則其事宜速舉其買辦木石等項銀兩應于何處取用應用匠作等項口糧該于何處支給或此外別有治河長策可以不費財力逐一處分明白定奪行令臣等遵守施行

河防糧運疏

治河

一漕河水利全藉泰山諸泉每年夏秋潴蓄南旺等

湖至旱乾時以濟糧舟。近豪強軍民或決堤泄水以圖栽蔣。或阻邊泉源以資灌溉。乞照先年侍郎白昂奏行事例禁治。一南北運河止是汶水分流接濟。春夏旱乾。水源微細。必藉各閘積水。以時啓閉。庶可行船。往往官員隨到隨開。以致糧運阻滯。乞申明列聖詔旨。嚴加榜示。一管河官員責任太輕。事多掣肘。乞敕河南管河副使張鼎大名府帶管隄防參政李贊俱照管河管屯官事例。常川巡視。聽其便宜行事。巡撫等衙門不得有所阻撓。一安平鎮黃陵岡荆隆

口及新築于家店以下隄防。俱用人守視。水涸則積土備用。水漲則防護修築。若有重大工程。臨時調附近丁夫。協同修理。一大名府所築長堤。必須逐年增修。庶係經久。乞行參政李瓚以所屬堤北人戶編定班次。每年農隙之時。調發若干。增修一月。疎放隄北軍屯與寄居人戶。亦一體從輕編定。輪流調發。庶免起夫科擾之弊。一濟寧迤北南旺開河戴家廟一帶。比之他處最要。而安平鎮地方。土脉疎薄。新築決口。尤須提調官員。不時檢點。今自濟寧直抵通州相去

一千八百餘里。而天津北上。逆水尤難。若止責與一人提調。恐致誤事。乞敕該部依臣等前奏。仍分而爲三。南北各該工部郎中一員。中間增設通政一員提調。

陝西馬政

馬政

觀此知楊文襄能立功于西陲亦中樞處置得宜
看得徐蕃夏遜等所言皆詳備切要深補本部原擬

之文不足大意俱欲加重本官之任以成公家之事緣都御史楊一清受命于馬政廢墜之後委的事體艱大責任難爲况其所行俱于巡撫巡按及都布按

三司事相干涉。若使人得沮撓。事或掣肘。縱有才能。亦難濟事。合無悉准科道所擬。備行本官。令其查照本部原行及各官所言參酌施行。仍敕將撫按衙門不得干撓馬政。都布按三司以下。悉聽節制。委用等情。增入敕內。以便行事。其論茶易馬匹。委係馬政一事。若併付本官管理。委的事體相須。易責成效。况茶馬自先年停止大臣之後。止是行人撫諭巡禁。成化年間。因是行人職輕。難以革弊。該巡撫奏准。暫差御史整理。今既有都御史兼理。若又差御史。在彼不無

事權不一。合無將巡茶御史行取回京。一應首尾。悉皆責成于楊一清。其原擬禁約處置事宜。亦皆增入本官敕內。待彼至日。或行茶地方遙遠。應該另添何等巡禁官員。及茶法利弊。中間有應處應奏事情。俱聽本官奏請定奪。

議行武舉疏

請開武科

武舉之設。將以延攬英雄。廣儲將帥。招徠韜畧之士。收拾躒弛之才。蓋以古今治天下之具。惟文武二道。天之生材。以供世用。惟文武二藝。凡國家求相于文。

求將于武。亦惟文武二科。我朝設文舉以求士。誠足以備一代之彝典。而其網羅之周密。自閭閻以及草澤。不以遠而遺。不以賤而棄。故得人以備任使。其用武臣也。甄別軍功之大小。以爲陞擢之階級。內或陟督府之崇班。外或膺邊方之重寄。或處以方面之長貳。或列于行伍之師帥。世享簪纓。家足餘廩。獎勵武臣。作興士氣。意甚善矣。但求采止于武弁一途。凡授鉞推轂。非出于貴寵之子弟。卽拔自行伍之粗材。近歲雖有保舉將材之例。又但據其見有官職之人。

而推荐之。其間往往徇名而不責實。挽強引重者。目
爲勇敢。談說縱橫者。號爲謀畧。及委以重兵。臨以大
敵。僨事者多。而成功者少。蓋由求將之意。雖勞而選
將之路太狹也。宋臣范仲淹有言。議者不知取將之
無術。但云當今之無將。今日之弊。殆亦坐此。且天之
賦人以材。拙于文者。或優于武。亦不以遠而嗇。不以
賤而限。如穰苴生于寒微。吳起困于羈旅。樂毅出于
疎賤。黥布雜于輿臺。衛青辱于人奴。去病辱于假子。
若當時非有知識之人。爲之汲引。豈能自致通顯。建

功于世。而垂稱于後耶。今四海之大。生聚之繁。寧無若斯者。在于側陋之間乎。夫武以用將爲先。亦猶文以求相爲先。孫武曰。將者人之司命。國家安危之主也。司馬曰。將不能設。無以應卒。昔唐知求將之爲重。視進士科而增置武舉。遂得郭子儀。卒成再造之功。宋知求將之爲重。視制科而詳定武舉。遂得高志寧。令狐挺。卒能制元昊之背叛。破高志之猖獗。蓋異人傑士。感奮而興。飲氣挾行。以赴功名之會。此前代故事。有足徵也。宋臣蘇洵言于仁宗曰。文有制科。武有

武舉 陛下欲得將相于此乎、取之十人之中、豈無一二、此名儒之格言、爲足徵也、茲者適當武舉再開之時、臣等見得法制未備、禮義未隆、上未足以承

陛下旁求之心、下不足以付豪傑登進之望、宋臣富弼請置武舉、嘗曰法度離亂、未能致將起之士、臣等

切與之異世而同懷也。蓋事既當重、則品式宜加詳

武科廷試至今上始行之然而

備。恩禮宜從優厚、今欲依倣唐宋故事、參酌會殿二

未爲得人者所取太狹而係荐之法未實舉行也

試事例、少加損益、每遇文舉鄉試之年、亦將武舉預

卽今邊鎮諸泉歲貢于廷而親試之爲得耳

期行移兩京各省、令其轉行曉諭、如有寃極、輶畧、精

通武藝者。或隱于山林。或育于學校。或羈于戎卒。或係于仕籍。許各赴所在官司投報。禮送赴試。果可取者。禮送兵部會萃數月。請于次年四月開科。初較騎射。人發九矢。中三矢以上爲合式。二較共步射。亦發九矢。中一矢以上者爲合式。三試策二道。論一道。優者列職論官以示崇異。其非全材。黜之以俟後舉。此制一定。庶法式昭宣。足以備彝憲。禮遇崇重。足以激人心。凡海內智勇之士。莫不仗劍而起。各售其術。期以効用于世。是驅天下之英雄。而入于吾之彀中。

陛下屈羣策而用之。何愾之不可敵。何侮之不可禦。雖鞭笞四夷。伸威萬里。將無不如吾意者。又何假拊髀而嘆。思借才于異代也哉。

論宣府屯田疏

屯田

宣府地險積寡。已于東城置倉數十間。未有以實之。而神明川地肥饒。屯田團種之外。尚多私占。請令巡撫巡按等官清查歸官。其軍餘原額屯田團種者。每分額外。量與餘田。勿令過二十畝。清出歸官者。或原人領種。或別召承佃。每畝起科納糧三升。草一斤。與

東西二城、并蔚州衛屯田糧料、俱令運赴新修東倉、及附近草場上納。倘宣府不足、于農隙時運去備預。其他地方及西城蔚州二處不足、宜發銀就彼糴買。不得那借。至若懷來城尤爲要害、亦須增置倉廩、糴蓄糧料、以備倉卒之用。

災異陳三事疏

修省實事

一杜倖門、近年乞恩陞職者三百有餘、乞將在京各衛所、凡不由軍功陞職者、悉查奏裁革、應存留者減支半俸、有由軍功相參授職者、止存軍功職事、如有

似前夤緣請乞照例問罪降調。二位人言大同宣府
薊州三鎮添設內臣過多私役虐害軍馬日漸消耗
近該廷臣集議請將三鎮守備內臣十六員盡行裁
革薊州一鎮止留二員改爲分守與中東二路叅將
同居一城未蒙俞允乞仍照原擬裁革以解邊人之
困。三杜雜進各邊及腹裏地方多有無藉之徒投充
勢要官下旗舍官餘等役奏稱報効其各邊鎮守等
官亦于額外朦朧奏帶支費甚多一遇勦賊冒報功
次今後俱聽臣等考驗果有諳曉兵法熟閒弓馬者

方許其去。其餘并額外人員俱各發回原籍原衛各供職役。

論寺監牧馬事宜疏

監運管馬官

馬政監課皆國之大事。每以闕冗之吏任職。雖屢

近年各卿佐員缺。多用謫逐官。及有過累者。府衛下

察。多易視之。故各官自待亦輕。政務因以廢弛。謂宜

稍更其制。今後各行太僕苑馬寺官員缺少。卿。則于

布按二司參議僉事內推補。如職務修舉。則視太僕

寺卿佐陞任。其監苑庶官。亦請于北人素嫻牧馬者

任之。則官皆得人。而政可舉矣。

覆鄒文盛疏

邊務

文盛以朶顏三衛夷人背恩欲出師征之守臣則欲先以守備爲本俟城邊築完兵備充實然後因其來犯刻日出兵直搗巢穴或殘賊復舉我軍三面而守一面而戰庶有全功守臣之言宜從文盛又欲弛撲殺襲殺之禁以倡我軍敢勇之氣守臣則以爲恐啓功生事之心請移文守臣當夷人互市之日遣通事傳諭其衆令今後宜遠邊牆百里之外住牧如欲來市須先期三日令二三人傳箭答話欲傳報夷情亦

先期一日。若非答話。而擅入百里之內者。許官軍襲踪撲殺。我軍仍及時于百里之外。築立封堆。或挑壕塹爲界。俟功畢。然後弛掩殺之禁。其撲襲掩殺者。仍不許以首級報功。妄圖陞賞。文盛又欲罷絕馬市。互易。守臣則恐罷絕之後。夷情怨嗟。或構結爲患。今宜不必禁約夷人。止嚴督我邊方軍民監市官。如遇開市之日。止許以布帛米鹽等物入市交易。不許私帶鍋鑊鑊器。俟各夷後。此有求買鍋鑊者。然後定爲年限。許令三年一買。文盛又欲于東西二路添設憲臣。

整飭兵備、修治邊牆、守臣則以爲遼東連遭兵荒、請俟年豐再議、文盛又欲請差御史清理軍伍屯田、并指置糧餉、共給軍糧、每年照豐歉平准定價、不得拘以二錢五分之數、守臣議其言宜從、但清軍免差御史、令巡按帶領、

會議救荒弭盜疏

救荒弭盜實政

一傳乞陞授文武官、并匠官除見任管事外、其餘月俸暫爲停止、待年豐定奪、一內府各監局及光祿寺招收幼匠廚役多至萬人、乞命科道及該部官揀選

堪用者存留、每名止許月支米五斗、其餘發回原籍
原衛、一自弘治十四年以前、江西欠苧布、浙江欠絹
絲白綿數十萬計、宜減半折價類解。一光祿寺供應
猪羊等料、比舊加至數倍、貽累舖戶。內臣湯飯日傳
增、各監匠作月糧已增至一石、又重支直米、以歲計
之。至于餘萬石、宜盡裁革。一應天并江北府州自十
五年以前、倒失馬價、及草場子粒、未徵完者、宜悉蠲
除、一皇城各門京通二倉水次諸倉壩上各馬牛房
并甲字等庫、及上林苑管事內臣、俱有額員、近來增

至數倍。至于內府各衙門亦然。宜量爲釐革。一騰驤

四衛軍最爲國盡難于革者以中人所漁藉也

等四衛軍人勇士多有冒名及投充者。宜嚴加清覈

公以減修清寧宮軍夫之數中官所譜賴洛陽

一各處輪操官軍。困于工役。逃亡數多。今後有大工

正言以免

役。不得已暫撥。亦宜止令出力。不許科出財物。一齋

醮無益之費。并各處送香掛袍俱暫停免。一各處歲

例該派軍徭。宜會計一年合用之數均派。不許設法

濫取。一內外監局庫廠等衙門。凡遇解納物料。多加

倍折收。宜嚴禁之。其中帽局歲例成造內官內使靴

帽皮張。仍照例折價。一外夷進貢。宜令鎮巡官差官

皇明經世編

劉忠宣集 卷之一

整荒弊 十一

平露堂

伴送赴京事畢仍令伴送出境免致差人在途生事。
一南京蘇浙等處差官織造并帶去人匠宜悉取回
如供應不敷止行鎮巡官督令所司織辦。一司苑局
宜復設嘉蔬所專理種菜選官任之庶軍民不至蒙
害。一惜薪司擡柴夫每名出銀十兩亦足僱役不宜
加取。一太醫院額辦藥材多有本地不產買辦于京
者或至堆積陳腐徒費民財今後缺用者仍舊解納
其餘宜暫停止。

弭災革弊疏

弭災革弊

一畿內百姓之害。凡壇場合用純黑馬羸。例行太僕寺于寄養孳牧馬內揀選。送御馬監交收。鄉戶因非土產。皆役托積年攬戶。每馬一匹。用銀七八十兩。羸用四五十兩。人戶遇派此役。無不傾蕩家業。鬻及男女。今宜預備寔數。每馬一匹。定與價銀十五兩。羸十兩。于太僕寺原貯馬價支給。送本監自行收買。一裏河軍民之害。南京每年運送各項物料。并竹馬板枋馬槽篩簸等物。赴京。及回南京。內臣帶回空箱包袱。并運去內官衣帽等項。多者帶船至二三十隻。以一

船計之。自儀真至京。換夫地方十九處。雇夫銀無慮五六十兩。而官要幫錢。甲夫自給。不在其內。若齎有軍衛有司關文。則大小衙門皆受其害。宜行南京兵部查勘。每年來京船所載某物。可以從權減省。某物可以在京自造。其回南京內臣每人止撥與船一隻。若官物數多。驗物撥與。不許泛濫奏討。及奏內擅開軍衛有司字樣。

乞休疏

兵政興革

時以無雨。公上疏乞休。上覽奏嘉納。悉准行之。
伏蒙溫詔。謂臣職司兵政。方切委任。未蒙俞允。然臣

衰劣多病。凡百弊政不能振舉。心非不欲委身。跡恐終至誤國。姑以臣所司兵政論之。如京師官軍在衛者。苦于出錢。在營者困于私役。逼令逃亡。江南軍士多因漕運破家。江北軍士多以京操失業。竭軍民之力。以運糧儲。而濫食者不知。罄生民之財。以買戰馬。而私用者罔顧。鎮守者或害一方。守備者或害一城。邊軍最苦。而陞賞恒施于勢要。禁衛最嚴。而苞苴公行于肘腋。其他尤難言者。不敢僭論。凡此皆 聖諭所謂臣職所司者。而臣才不能爲朝廷分憂。力不能

為軍民除害。以致人怨上升。天怒不解。乞放歸田里。別選賢能以救茲弊。

條列軍伍利弊疏

軍伍利弊

在衛官軍。苦于出錢。其事不止一端。如包辦秋青草價。給與勇士養馬。比較逃亡軍匠。責令包工雇役。或幫貼錦衣衛夷人馬匹。或加貼司苑局種菜軍人。內外官員造墳。皆用夫價。接應公差車輛。俱費租錢。其他使用。尚不止此。又管管內外官員。率于軍伴額數之外。摘撥在營操軍役使。上下相襲。視為當然。又江

南軍士。漕運有修船盤剝之費。有監收斛面之加。其他掊克。難以枚舉。以致逃亡日多。則撥及全戶。使富者日貧。而貧者終至于絕。江南官軍。每過京操。雖給行糧。而往返之費。皆自營辦。况至京。卽撥做工。雇車運料。而雜撥納辦。有難以盡言者。又糧運初徵之里胥。納于官府。轉允運舟。及到京倉。耗折之費。率五石而致一石。今京師投充勇士軍人。收充幼匠廚役。每月坐支一石。是一人坐費軍民五石矣。又官馬出于民間牧養。或湊合買補。公私草料之費。一馬或至數

十金。而私撥借人。畧無忌憚。又鎮守守備等官。恃勢貪婪。無所不至。勢要者。則冒功以獲陞賞。而邊軍不敢與爭。請謁者。多懷賂以入權豪。而守衛不敢加詰。凡此俱乞俯賜施行。嚴加釐革。

論思恩岑氏疏

土官襲替

知州岑豹。乃叛臣餘孽。與其子應相。沿襲職。既而吞并鄰壤。與思城知州岑欽同謀。侵占田州地土。自取滅絕。今岑接者。人皆傳稱爲梁接。非岑應親枝。不知岑九仙。又是何等逋逃。冒爲奏擾。臣大夏先在兩廣

見岑氏譜系云、始祖木納罕于元至正年間、與田州知府之祖伯顏、一時受官、今岑九仙妄援漢岑彭世次塵瀆、聖聽、請治以罪、其岑接應襲職與否、前已行令鎮巡等官勘報奏處、其岑九仙雖曰夷人、難以深究、亦當謫發、以破其奸、

處置軍伍疏

處置軍伍

有司清查、弊非一端、姑以近歲言之、事姑息者、圖了故事、特刑罰者、逼足三分、或將老稚之人起解、或買無藉之徒充數、雇妻易戶、逃移相繼、且律例窩藏逃

軍者充軍。今未聞有充發之人。鄰里不首者問罪。今未見行連坐之法。以故清解雖多。不獲實用。及到營衛。其弊尤多。始以在京論之。監局軍匠類多需錢。各營軍每多私役。官撥營作。負累尤甚。衛所差遣。需索百端。軍不聊生。何以自存。且律例逃軍十名以上。該管官遞減俸級。而今逃亡之軍。何止千十名。私役五名以上。該管官遞減降一級。而今降級之例。惟行于屬職。輦轂之下。且如此。况四方乎。今欲實天下之軍伍。必須推究利弊之源流。本部今請行原委屬官及

寔不然則民衣食不足。未免逃移。雖欲清查。不可得也。

論用韋興疏

罷用中官

韋興一人之用。似乎未足深惜。但朝廷治體之得失。皇上大舜之隆替。胥此焉係。非尋常人比也。臣請爲陛下言之。夫添設守衛內官。非舊額者一體取回。此近日明詔。本部奏革齊玄。又近日所奉旨也。方革復用。徒使新令不信于天下。况興于成化年間。引用檢邪。進獻奇巧。大壞朝廷之法。先帝嗣統之初。斥興

不用。臣民痛快天下共聞。今 泰陵之土未乾。而令
奸黨之徒遽進。恐于 聖季。不爲無損。其事似小。所
虧甚大。乞從科道論列。罷興勿用。庶幾 聖季隆治
體得。而地方亦可望其安矣。

皇明經世文編卷之終

皇明經世編

劉忠宣集

龍用中官
式

千露堂